

# UUT'T OLDE VODDEN

Wat uut de olde tied stammen:

Ai op de grote weg kwammen  
Koj'r neet zóó övergoan,  
Iej zag'n tolbeume stoan  
Dee oew d' o  
vergang benammen.

tHekke ston opn vehádde weg  
Soms was dee pas niej an eleg,  
tVehárden had geld ekost,  
Dat geld mos af-elost,  
Dat leek de mense wel terech.

En um door dan án te kommen  
Hebt ze iedreen geld af enomm'n  
Dee d'weg gebuukuken zol,  
Geld spóln altied al'n rol,  
Dat wet zelfs de hele dommen.

Moor ze zatten dr toch wat met  
Al hebt ze zich ter met ered,  
Ut kossen eur moor geld,  
En ut mag wel vemeld  
Ze hadden ut toé neet zo vet

De stuuvers dee ze kwiet wodden  
Ie denk allich: "tZet gin zod'n"  
Moor ai door vake deur mos  
Was iej op'tles hoas bós  
En dán koj neet meer gewodden.

0t geld dat zo wodden vegaard,  
(nGáarder is umgekeerd  
vemaard)  
Dat was dan zo gezeg  
Veur d'eig'naar van de weg  
Dee dat vehárden had eklaard.

Dat zol vake ut Rijk wézen;  
Op peóltjes zoj R.G. lèezen,  
Zo daj noew zag'n alras  
Hoé wíed ut Rijk-grond was,  
Dórum waarn ze door ve-réezen.

Biej tolle vroégen ze dus geld

Moor't was vake dan zo esteld,  
De tolbaas door, dee stak  
Een deel in eigen zak,  
Neet alles zol wodden vemeld.

No  
een deel van de toulduiten  
Kon't Rijk indetied dus fluiten,  
tBrach zo neet vólle op  
Ut wodden hoas een strop,  
tWas een zachte vorm van  
muiten!

Een tolgaarder was neet gezéen,  
Somge wazzen zo hád asn steen,  
Zon tollenaar dee was  
Van een hebberug ras!  
In d'umgang stonne vól alleen.

Umdat ut zó neet vól op brach  
Wodn nóderhand zon tol vepach,  
Toé kon noa beliéven  
Iederéne inschriéven,  
Vake dat de pries slim hoge lag.

tRijk kreeg noe dat vas bedrag,  
nTolbaas schraapte dag en nach  
De pach noew biej mekáre,  
Ging dubbel hád astware  
Noe no  
weggebruukers op jach!

tGebeurn toé nog al vólle keern  
Sommugge mense door probren  
Ut tolgeld te bespoorn,  
tUm deur de neúze boorn!  
En dát zagge toch minder geern.

Een endje veúr de tolboom dan  
Gingen zee van de weg vandan,  
Zoln door tzand in goan,  
Leeten de tol links stoan,  
Kwamn wieterop dr dan weer an.

Alléne woor de tolboom stong  
Umdatte van eur geld bedong

Méeden ze effen dèn,  
Gingen der umme hèn!  
Begriepeluk dat tat neet gong.

As de tolbaas ze afsloan zag  
Gooíden hee alles överstag,  
Leep no  
a de weg wieter-op,  
Bezorgden eur een strop!  
Hef ze geld uut de zak ejach

Woore vral een hekel an had  
Was'n heer dee nogal us nò stad  
Door nòa zien soos dan ging,  
Want dan wisse één ding:  
Ut wodden weer láte as wat

Hee kon de tolboom lós zetten,  
Dat zol gin mense um belet'n,  
Moor dan missene ut geld!  
Hee wol met gin geweld  
Van de  
n wat kado doon wetten!

Asse dan moar tbedde in krop,  
Ut hekke dich; hee wol gin strop.  
Ston't rietuug mét dèn heer  
Te wachen iedre keer,  
En won dee zich veschrikluk op

Ging foeterent um afbekken,  
Moor de tolbaas zol tnog rekken  
En zei gemoedereerd:  
"Is ut dan zo vekeerd  
Dak effen nbokse an zal trekn?"

tHeer zei: "kWil jou waarborgen  
Ik ga je aanklagen morgen,  
Jij krijgt, onthou dat goed  
Dan tijd in overvloed  
Om je kieding te verzorgen!"

Och de tolbaas léet um moor,  
tWas toch veur tleste joor.